



KOMUNIKADU IMPRENSA

LANSAMENTU ESTRATÉJIA NASIONÁL BA INKLUAUN FINANSEIRA 2017-2022

Dili, 8 Setembru 2017

Banco Central de Timor-Leste (BCTL) ohin lansa Estratéjia Nasionál ba Inkluzauun Finanseira 2017-2022. Estratéjia ida-ne'e hanesan matadalan ida hodi hari'i dalan ba setór finanseira ida-ne'ebé maka'as, inovadór liu-tan no mós inkluzivu ba Timor-Leste.

Inkluzauun finanseira lori prestasaun servisu finanseiru ne'ebé esensiál ba nivél sosiedade hothotu ho kustu ne'ebé asesivél. Ida-ne'e permite timór-oan atu hadia sira-nia poupansa no jere risku finanseiru sira, nomós kapasita sira atu atinje objetivu sira ba tempu naruk hanesan edukasaun ba sira-nia oan, poupansa ba reforma no ba kuidadu saúde.

Estratéjia ne'e estabele planu asaun-sira iha area prinsipál ba dezvoltimentu setór finanseiru ba tinan lima oin mai hanesan: asesu ba servisu finanseiru, produktu finanseiru-sira, presu produktu, formasaun hodi hasa'e kapasidade, akordu institusionál sira, literasia finanseira nomós protesauun ba konsumidór.

Atu aumenta número partisipasaun feto ba asesu ba servisu finanseiru ne'ebé ho qualidade no asesivél, estratéjia ne'e inklui planu asaun lubuk ida ne'ebé fó importánsia ba feto. Ninia objetivu mak atu kria ambiente ne'ebé favoravél hodi bele aselera partisipasaun feto iha inkluzauun finanseira.

Estratéjia ne'e inklui mós rezultadu análise profunda kona-bá dadus inkluzauun finanseira atuál (Konsolida iha Relatoriu Inkluzauun Finanseira 2016, disponivél iha <https://www.bancocentral.tl/tt/go/relatoriu-inklusaun-financeira>), defini objetivu-sira ba dezvoltimentu setór finanseiru, diskusaun ho parte interesadu-sira no estabelese meta haktuir prátika-sira ne'ebé di'ak liu iha nivél internasionál.

Parte interesadu prinsipál-sira kontribui ho ativu durante prosesu dezvoltimentu estratéjia refere no sira-nia kompromisu sei fundamentál ba ninia implementasaun.

Estratéjia Nasionál ba Inkluzauun Finanseira hanesan apelu ida atu realiza asaun, hodi mobiliza no aliña esforsu hothotu hosi parte interesadu-sira hodi bele alkansa rezultadu ne'ebé hakarak ba dezvoltimentu setór finanseiru ne'ebé inklusivu no sustentável.

BCTL hakarak agradese ba parte interesadu sira-nia kolaborasaun; ba UNDP ne'ebé apoia asisténsia tékniku durante prosesu tomak, ba Alliance for Financial Inclusion (AFI) ba apoia konsultóra hodi finaliza estratéjia no ba Reserve Bank of Fiji (Banku Sentrá Fiji) ne'ebé halo revizaun ho pares (*peer-review*) ba esbosu dokumentu .

Estratéjia-ne'e disponivél iha website Banku Sentrá: <https://www.bancocentral.tl>

Komentariu no pergunta kona-bá Estratéjia Nasionál ba Inkluzauun Finanseira bele haruka ba: info@bancocentral.tl

[Remata]